

Jipaň Ro Jet Kile Unooidikdik ko an Jetōb

Vicki F. Matsumori

Rikakpilōklōk eo Kein Karuo ilo Būreejtōnji eo Eutiej an Piraimere

Jemaroň jipaň ro jet kile unooidikdik ko an Jetōb ñe rej kwaļok aer naan in kaṃool kōn kajoor eo an Jetōb Kwojarjar ilo mour ko ad.

Ilo jemļokin raan eo, juōn pea in mijinede ro raar jino rṃol ñan ṃweo imōer ke juōn iaer eaar oktak ñan eo juōn im ba, “Ij eñjake bwe jej aikuj in bōjrak ilo jikin in āliktata.” Juōn rūkaki ilo imṃoko kar imṃe jān Jetōb ñan kṃṃle juōn iaan baamļe ko eaar loļok er jet raan ko ṃoktaļok. Juōn kōrā eo emṃan dettan ej karōk in pād ilo juōn pade an ro ṃōttan ilo jikin jikuul ak eaar bwilōn ke ej pād ilo ṃweo imōn ilo iien in.

Ewi wāween an kar mijinede ro jeļā ñan kōļāļā ilo kōjem eo an juōn eo im eto an jar kōn er? ak rūkaki in ṃoko ñan kṃṃle juōn baamļe eo im eaar ļap aikuj ippāer? ak juōn kōrā eo emṃan dettan ñan pād ettoļok jān juōn jekjek eo ijo men aorōkrōk ko an remaroň kar ļap aer kauwōtata? Ilo kajjojo jekjek kein kar tōl er jān kajoor eo an Jetōb Kwojarjar.

Ejja eñjake kein wōt ekkā aer bar waļok ñan ro uwaan ipeļaaikin laļ in ilo kajjojo iien ko, im ewōr ro im rekōṃaan in eñjake an Jetōb tōl er ilo mour ko aer. Ilo an kajjojo armej maroň katak ñan kile unooidikdik ko an Jetōb, ṃakūtkūt in katak en emaroň kōṃṃan bwe en pidodo ļok ilo an ro jet jipaň meļeļe kōn Jetōb Kwojarjar eo, kwaļok naan in kaṃool ko aer make, im kōpooj juōn jikin eo ijo jemaroň eñjake Jetōb eo ie.

### **Meļeļe kōn Katak eo**

Aorōk in jipaň ro jet meļeļe ej kōmeļeļe ilo Doctrine and Covenants. Ro jined im jemed ilo Zaion ak ilo jabdewot stake ko an kar ejaaki kar jiroň er ñan jipaň ro nejier meļeļe kōn katak eo.<sup>1</sup>

Meñe ilo juōn kilaaj room, juōn katak an mijinede, ak juōn nokin in jota an baamļe, katakin kōn katak eo ikijjien Jetōb Kwojarjar emaroň jipaň ro jet meļeļe kake menin letok in eaorōk. Jej katak bwe tōre eo “Jetōb in Kraist emōj leļok e ñan aolep armej, bwe ren maroň jeļā emṃan jān nana,”<sup>2</sup> jimṃe eo ñan ṃōttā eo an Jetōb Kwojarjar ej itok āinwōt an ro uwaan rej bōk menin letok in jān likūt pā ko ioon jān ro ewōr kajoor in ejimṃe ippāer.<sup>3</sup>

ṃōttā in emaroň wōnṃaanļok bwe en ṃōttad eļāññe jej mour erre. Kar jiroň kōj bwe “Jetōb eo an Irooj ej jab jokwe ilo tempel ko re jakkwojarjar”<sup>4</sup> im bwe ilo ad “kōtļok wānōk, lukkuun kōkṃanṃanļok ļōmṃak ko [ad]; innem ... Jetōb Kwojarjar eo enaaj lukkuun ṃōttad.”<sup>5</sup>

Jeje ko rekwojarjar im ri kanaan ro rej katakin elōmen eñjake mōttan in an Jetōb. Irooj ej ba ñan kōj bwe E enaaj kwaļok ñan kōj ilo ļōmṃak ko ad im ilo buruōd, jān Jetōb Kwojarjar, eo enaaj itok iood im pād ilo buruōd.<sup>6</sup> Enos eaar kwaļok, “Im ke iaar eñtaan ilo jetōb, lo, ainikien Irooj eaar bar itok ilo kōļmānļokjen eo aō.”<sup>7</sup> Joseph Smith eaar ba, “Kwōj eñjake erre in jeļāļokjeņ ej iwōj ñan eok, emaroň lewaj ļōmṃak ko remṃan....”<sup>8</sup> Būreejtōn Henry B. Eyring eaar kōmeļeļeik eñjake eo

ekajoor an Jetōb Kwojarjar āinwōt “aenōmṃan, kōjatdikdik im lañlōn ...”Eaar kakobaba, “Enañin aolep iien Ij barāinwōt eñjake juōn eñjake an meram.”<sup>9</sup>

Kōmelele eo emṃan tata ippa, meñe, ej itok jān juōn ḷaddik eo rualitōk an iiō eo im ej kab bōk Jetōb Kwojarjar. Eaar ba, “Iaar eñjake āinwōt meram in aḷ.”

### **Kwaḷok Naan in Kaṃool eo Am Make**

Bōtaab, ej jab pidodo aolep iien nān lo “meram in aḷ” iien kein ṃokta. Bok in Mormon eo ej kwaḷok nān kōj kōn jet ri Laman ro raar tōmak im “kar baptais kōn kijeek im kōn Jetōb Kwojarjar, im rejjab jeḷā kake.”<sup>10</sup>

Jemaroñ jipañ ro jet kile unoojdikdik ko an Jetōb ñe jej kwaḷok naan in kaṃool ko ad kōn kajoor eo an Jetōb Kwojarjar ilo mour ko ad. Kememej bwe jet eñjake ko relukkuun ekwojarjar nān ba kaki. Ijoke, jān naan in kaṃool kōn Jetōb ilo mour ko ad, ro im rejjab jeḷā kōn unoojdikdik kein āinwōt remaroñ nān kile ñe rej jeḷā kōn eñjake kein.

Kar nā eo kein kajuōn ilo baamḷe eo aō nān kobatok ilo Kabuñ in. Āinwōt juōn eo rualitōk an iiō, iaar kōttar nān eñjake ilo jet wāween oktak kōn peptaij eo aō. Nān kwaḷok ṃool, men eo wōt iaar eñjake ke iaar waḷoktok jān dān eo eaar ... emṃan, aeṃak. Ij ḷōmṃak jet men remṃwilaḷ ḷok naaj kar waḷok ke kar kapen eō. Ijoke, ālikin aō kar bōk Jetōb Kwojarjar, iaar bar eñjake ṃōṃōṃō, ak lukkuun ejjeḷok oktak jān jet minit ko ṃokta jān iien eo.

Ekar jab ṃae iien raan ko tokālik ilo iien kweilok in jitḷok im kwaḷok naan in kaṃool bwe emōj aō kar eñjake ta eo iaar kiiō kile āinwōt eñjake kajoor eo an Jetōb Kwojarjar. Juōn būratōr eaar jutak nān kwaḷok an naan in kaṃool im ba kōn kōjeramṃan ko ilo an uwaan Kabuñ in. Iaar eñjake juōn kajoor in okmāññāñ ej popo tok iioō. Meñe āinwōt juōn rualitōk an iiō, iaar kile bwe eñin eaar juōn men eoktak. Iaar eñjake juōn aenōmṃan wanlaḷtak ṃae iioō im eñjake juōn eñjake eo ejenḷok bwe Jemedwōj Ilañ eaar buñ buruōn kon eō.

### **Kōpooj juōn Jikin Ijo Jemaroñ Eñjake Jetōb eo ie**

Ewōr jikin ko ijo epidodo nān eñjake Jetōb eo. Kweilok in kwaḷok naan in kaṃool im kweilok ko reḷḷap rej jet iaan jikin ko. Lukkuun ṃool, tampeḷ rej bar jikin ko jet. Apañ eo nān kōjwōj kajjojo ej ilo ad kōpooj juōn jikin eo ijo jemaroñ eñjake Jetōb eo ie aolep raan ilo ṃōko imṃōd im aolep wiik ilo ṃōn jar eo.

Juōn wūn kar kapilōk kōj kake ej nān jar im riit jeje ko rekwojarjar aolep raan ej bwe aolepen ṃakūtkūt kein rej karuwaineneik Jetōb eo nān ṃōko imṃwōd im nān mour ko an ro uwaan baamḷe ko ad.

Kōnke emakijkij an Jetōb kar kōmeleleik āinwōt juōn ainikien edik, im emera,<sup>11</sup> ej barāinwōt nān wōr juōn iien lur ilo mour ko ad barāinwōt. Irooj eaar kapilōk kōj nān “Pād wōt im jeḷā bwe Nā Anij”<sup>12</sup> Eḷaññe jej kōpooj juōn “wōt” iien im lur kajjojo raan ñe jej jab pād iumṃin kajoor an pija ko, kamputōr, ikkure ko ilo kajet ak men ko ṃweied, jej kōtḷok bwe juōn ainikien edik im emera

en juōn iien em̄man n̄an bōktok m̄adenl̄ok ko ad make im n̄an unoojdikdik kōn tōl ko rem̄man, bar karoñ im kaenōm̄man n̄an kōj.

Āinwōt l̄ok, jemaroñ kōpooj juōn jikin ilo m̄on jar eo bwe en kōtl̄ok Jetōb n̄an lel̄ok kapen eo ekwojarjar n̄an ta eo em̄oj katakin. Rūkaki ro im ritōl ro rej kōm̄man eḷap̄l̄ok j̄an katakin katak ko ak tōl iien kweil̄ok ko. Rej kapidodoik unoojdikdik eo an Jetōb n̄an kajjojo uwaan. Richard G. Scott eaar ba, “Eḷañne kwoj jamin kadedel̄ok jabdewōt ilo kōta eo kōtaam̄ ipp̄an rijikuul ro am̄ j̄an am̄ jipañ er kile im ḷoor im̄we ko an Jetōb, kwonaaj kōjeram̄man mour ko aer ejjel̄ok joñaer im indeeo.”<sup>13</sup>

Juōn rūkaki in Sunbeam eaar atbōkwōj kajjojo ro uwaan kilaaj eo an juōn l̄ok juōn ilo juōn kooj n̄an katakin er wāween eñjake eo an Jetōb āinwōt kaenōm̄man eo im kōjparok eo ilo kalibobo eo. Juōn mama eo ej loḷok eaar barāinwōt roñ kōn katak eo.

Elōn allōn ko tokāl̄ik mama eo eaar kam̄oolol rūkaki eo. Eaar ba kōn wāween an jab kajoor ilo kabuñ in ilo iien eo aeitok ke eaar ailil̄ok e leddik eo nejin edik n̄an Piraimere. Jet wiik ko ālikin katak eo, mama eo eaar eñtaan kōn mej loje. E eaar eḷḷā ioon kōn būrom̄oj ke eaar eñjake juōn okmāññāñ eḷap im aenōm̄man. Eñjake āinwōt juōn eaar kalbubu e kōn juōn kooj māññāñ. Eaar kile karoñ eo an Jetōb im kar jel̄ā bwe Jemedwōj Ilañ eaar jel̄ā kōn e im bwe E eaar iḷkwe e.

Ñe jej meḷeḷe unoojdikdik eo an Jetōb eo, jenaaj maroñ in roñjake An katakin kōj “menin kaenōm̄man ko an aelōn in kiiñ eo”<sup>14</sup> im “aolep men ko [jej] aikuḷ in kōm̄mani.”<sup>15</sup> Jenaaj kile uwaak ko n̄an jar ko ad im jel̄ā wāween eo n̄an lukkuun mour kake gospel eo kajjojo raan. Jenaaj tōl im maroñ kōjparok. Im jemaroñ kaddōk menin letok in ilo mour ko ad ilo ad ḷoor im̄we kein an jetōb. Eḷap̄l̄ok an aorōk, jej eñjake E ej kam̄ool kōn Jem̄an im Nejin.<sup>16</sup>

Āinwōt juōn jiroñ ej pād ilo kweil̄ok eo eḷap an jodikdik, Jetōb eo eaar kam̄ool n̄an n̄a kōn m̄ool ko an gospel eo em̄oj an jep̄laaktok. Ilo kōpooj n̄an juōn kweil̄ok in kwaḷok naan in kam̄ool, jaar al “Jitōb an Anij.” Kiiō, iaar al al en bwijin kōttan m̄okta j̄an iien kweil̄ok in kwojkwoj ko. Ak ilo iien in aorōk, j̄an iturin l̄ok ennaan in kōpell̄ok, iaar eñjake Jetōb eo. Ke iien eo kōm̄ij al “Aibuiuj an raan ko elik ej jino in walok,”<sup>17</sup> iaar jel̄ā bwe men kein raar em̄manl̄ok j̄an ainikien ko rem̄man, bwe raar m̄ool ko reaiboojoj.

Jetōb Kwojarjar eo em̄oj an kapene n̄an eō bwe Anij Jemed ej mour. E ej iḷkwe kōj wōj kajjojo. E ejel̄ā kajjier wōj kajjojo. Ej roñjaki jar ko ad ilo m̄ool im Ej uwaaki jar ko rem̄ool.

Jisōs Kraist ej ad Rilōm̄or im Ripinmuur. Eaar itok n̄an laḷin ilo likoḷpen tōre n̄an pinmuur kōn jerawiwi ko ad. Im E enaaj bar itok. Men kein im aolep wāween ko jet an gospel eo im ej koḷap̄l̄ok naan in kam̄ool eo aō rej dim ilo būruō kōn kajoor eo an Jetōb Kwojarjar. Ilo etan Jisōs Kraist, amen.

KAKEMEMEJ KO

1. Lale D&C 68:25.

2. Moronai 7:16.
3. Lale *True to the Faith* (2004), 83.
4. Hilaṁōn 4:24.
5. D&C 121:45–46.
6. D&C 8:2.
7. Enos 1:10.
8. *Joseph Smith*, ilo Bwebwenato eo an Kabuñ in, 3:381.
9. Henry B. Eyring, “Gifts of the Spirit for Hard Times,” *Ensign*, Juun 2007, 18.
10. 3 Nipai 9:20
11. Lale 1 Kiiñ Ro 19:12; 1 Nipai 17:45; D&C 85:6.
12. Sam Ko 46:10; bar lale D&C 101:16.
13. Richard G. Scott, “Helping Others to Be Spiritually Led (kwaḷok ñan ribōk jeḷāḷokjen an kabuñ ko, Ɔkwōj. 11, 1998), 3; ilo an katakin kōn, *No Greater Call* (1999), 48.
14. D&C 36:2.
15. Lale 2 Nipai 32:1–5.
16. Lale 2 Nipai 31:18.
17. “Jitōb an Anij,” *Al ko*, no. 2.